

Ibuku rĩa Ngai kũrĩ ciana
nĩrĩrakũrehera



Esiteri Kwini
Mũthaka



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest
Alastair Paterson

Rũharĩrĩirio nĩ: Ruth Klassen

Rũtaũrĩtwo nĩ: Stephen Kimani


Rũtungĩtwo nĩ: Bible for Children
www.M1914.org

©2022 Bible for Children, Inc.

Rũtha: Nĩwĩtĩkĩrĩtio kuruta kana gucabithia rũgano rũrũ,
angĩkorwo ti rwa kwendia.



Hĩndĩ ĩmwe nĩkwarĩ na kairĩĩtu gathaka geetagwo Esiteri. Rĩrĩa ithe na nyina makwire, mũũrũ wa ithe mũkũrũ Morodekai nĩwe wamũrerire. Esiteri nĩatĩĩaga mũũrũ wa ithe ũcio na kũmũathĩkĩra ta mwarĩ.





Esiteri aikaraga Perisia. No Esiteri ndaarĩ
Mũperisia. Aarĩ Mũyahudi. Mbarĩ ciao ciathĩite
Perisia marĩ ta oohwo a mbaara. Hĩndĩ ãyo
ya Esiteri nĩkwarĩ na Ayahudi aingĩ Perisia.



Mũthamaki wa Perisia
agĩthondekera atongoria
kuuma mabũrũri mothe

iruga
inene.



Arũme acio makĩrĩa
matatukanĩte na
atumia, arĩa
maarĩ na Kwini
Vashiti.

Mũthamaki ũcio
arĩ mũũriũ
agiatha Kwini
Vashiti ekĩre
thũũmbĩ ya
ũthamaki na
onanie ũthaka
wake. Kwini
Vashiti akĩrega.




Kuonania atĩ atumia
nĩmaagĩrĩrwo gũtĩia
athuuri ao rĩ, mũthamaki
akĩhĩtukia watho ũrĩa
weheririe thũũmbĩ
kuuma kũrĩ Vashiti.
Agĩtiga gũtwĩka Kwini.



Makĩambĩrĩrĩa
gwetha kwini ũngĩ
mwerũ. Kuuma kũrĩ
airĩitu arĩa athaka othe
a ũthamaki ũcio,
mũthamaki agĩthuura
Esiteri atwĩke mĩtumia
wake. Akĩmũigĩrĩra
thũũmbĩ ya ũnene
mĩtweinĩ wake. Esiteri
ndeerire mũthamaki atĩ
aarĩ Mũyahudi nĩtondu
Morodekai nĩamwĩrĩite
ndakauge.



Mwana wa mũūrũ wa ithe ũcio
nĩwe Morodekai aikaraga
kĩhingoinĩ nĩguo aigue
ndũmĩrĩri ya Esiteri.




Mũthenya ũmwe akĩigua
ndungata igĩrĩ cia
thingira wa iregi ikĩbanga
kũũraga mũthamaki.
Morodekai akĩruta
mũkaana ũrĩa wahonokirie
mũthamaki. Ndungata
icio igĩitwo, na rĩitwa rĩa
Morodekai rĩkĩandĩkwo
ibukuinĩ rĩa kĩririkano
rĩa mũthamaki.



Mũndũ ũrĩa wacokeete mũthamaki
aarĩ gĩtonga gĩetagwo Hamani.
Andũ othe nĩmainamagĩrĩra
Hamani akĩhĩtuka. Andũ othe,
tiga mũndũ ũmwe. Ta Mũyahudi
Morodekai athathayagia o Ngai
ũrĩa ũtũũraga muoyo.



Hamani nĩathũire Morodekai mũno
nginya agĩtua itua rĩa kũmũũraga
hamwe na Ayahudi othe a Perisia.
Nĩũndũ wa kĩa atĩa! Mũndũ ũyũ
mwaganu Hamani akĩheenia
mũthamaki eekĩre kĩrore
watho wa kuuga atĩ
kahinda kana Ayahudi
othe arĩa maarĩ
ũthamakiinĩ ũcio
nĩmakooragwo.







Ūyũ waarĩ watho mũũrũ
mũno. Ayahudi na
Aperisia magĩcakaya. No
ririkana- Ngai nĩatwĩite
Esiteri Kwini. Na aarĩ
mũtumia Mũyahudi. Hiihi
nĩangiagire hito kũrĩ
mũthamaki? Kana
nĩangĩerutĩire gũkua
ahonokie andũ aake?



Ngai akĩhe Esiteri rĩĩcĩria rĩa ũũgĩ. Agĩĩta mũthamaki hamwe na Hamani irugainĩ. Hau mũthamaki akĩmwĩrĩra nĩakũmũhe kĩndũ gĩothe angĩenda. Esiteri agĩcookia, "Reke mũthamaki na Hamani magooka irugainĩ . . . rũcĩu." Hau nĩangĩerire mũthamaki ũrĩa endaga.



Hĩndĩ ĩyo nake Hamani
agĩthondekaga mĩtĩ mĩnene
ya gũita Morodekai.





Ūtukū ūcio mūthamaki ndangĩahotire
gūkoma. Rĩrĩa athomaga maũndũ
ma igooti akĩona Morodekai
ndacokeirio ngatho nĩũndũ wa
kũhonokia muoyo wake. Rũciĩnĩ
mūthamaki akĩũria Hamani,
"Nĩkĩĩ kĩngĩĩkwo kũrĩ Mũndũ
ũrĩa mūthamaki
arenda gũtĩĩa?"

Hamani agĩkena.
Eeciragia nĩwe
mūthamaki eendaga
gũtĩĩa.





Hamani okĩite kũũria rũũtha rwa
mũthamaki nĩguo aite Morodekai.
Nĩaharĩĩirie mĩtĩ ya kũmũita. Ũndũ
ũcio nonginya waambe weterere. Arĩ
na gĩkeno Hamani akĩheana mawoni
make. "Ĩkĩra Mũndũ ũcio nguo cia

mũthamaki
na
thũũmbĩ."




"Mũikarĩrie mbarathi ya mũthamaki. Na waathe mũtongoria ũmwe atongorie mũndũ ũcio itũũrainĩ nĩguo andũ othe moone." Mũthamaki nake agĩatha Hamani, "Na ihenya mũno wĩike ũguo kũrĩ Morodekai Mũyahudi."




Ūreeciria Hamani aiguaga atĩa agĩtongoria
Morodekai itũũrainĩ? Akĩmena Morodekai
o na makĩrĩa ma hau kabere. Nogũkorwo
Hamani eeciragia, "We eterera.
Kahinda gatarĩ haraihu no ũgũkua-
hamwe na
Ayahudi
othe."



Thuthainĩ mũthenya
ũcio-rĩ, Hamani na
mũthamaki magĩkinya
irugainĩ rĩa Esiteri.
mũthamaki akĩũria,
"Ihooya rĩaku nĩrĩrĩkũ?"
Ndarĩganĩurwo nĩ ũrĩa
eeraĩire. Oroteete
Hamani, Kwini Esiteri
akĩira mũthamaki
mĩbango yothe mĩũru ya
Hamani. Mũthamaki
nake akiuga, "Mũiteei!"



Mũthamaki agĩcooka akĩhĩtukia watho ũngĩ wa gwĩtĩkĩria Ayahudi megitĩre. Makĩhonoka! Morodekai agĩtũĩka wa keerĩ kuuma kũrĩ mũthamaki na Ayahudi othe magĩkena na makĩheana iheeo mũndũ na ũrĩa ũngĩ. O na ũmũthĩ, Ayahudi nĩmaririkanaga ũrĩa Ngai amahonokirie kũgerera Kwini ũcio mũthaka Esiteri.



Esiteri Kwini Mũthaka


Rũgano kuma Kiugoinĩ kĩa Ngai,
kĩrĩa kĩ Ibukuinĩ rĩa Ngai,

rũrĩ thĩinĩ wa

Esiteri

"Ciugo Ciaku ciatarĩrio nĩrehaga ũtheri."
Thaburi 119:130






Mãico



30



60



Rũgano rŭrũ, rŭrĩa rumĩte Ibukuinĩ rĩa Ngai,
rŭratũmenyithia igŭrũ rĩa Ngai witũ wa magegania,
arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia.
Mũcara wa mehia nĩ gĩkuũ, no Ngai nĩakwendete mũno makĩria
nginya agĩtũma Mŭrũ wake wa mũmwe, Jesũ, nĩguo oragwo
mũtharabainĩ na aherithio nĩtondũ wa mehia maku. Nĩacokire
akĩriũka na akĩinũka mũciĩ igŭrũ kwa Ngai! Ũngĩtĩkia Jesũ na ũmũrie
akuohere mehia maku, nĩegwĩka ũguo! Nĩegũka na atũre thĩiniĩ
waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoro ũyũ nĩ wa ma, ĩra Ngai ũũ:
Mwendwa Jesũ, nĩndetĩkia atĩ wĩ Ngai, na nĩwatuĩkire
mũndũ nĩguo ũkue nĩtondũ wa mehia makwa, na rĩu wĩ muoyo.
Nĩndakũhoya ũũke mũtũrĩreinĩ wakwa na ũnjohere mehia makwa,
nĩguo kuma rĩu, ngĩe na muoyo mwerũ, na mũthenya ũmwe ngoka
ndũranie nawe tene na tene. Ndeithia gũgwathĩkagĩra na
gũgũtũrĩra ta mwana waku. Nĩgũtuĩke ũguo.

Thoma Ibuku rĩa Ngai na waranagĩrie nake o
mũthenya o mũthenya! Johana 3:16

